



Terenga 5: Hōtaka 27 – A me te O

He Mihi

E te hunga pūtohe, e auau nei te hono mai ki tēnei hōtaka whakapakari i ngā pūkenga reo o te hunga tōngakingaki, tēnā rā koutou katoa.

Hei Mahi Whakarongo

I te kiriata poto o te rā nei, ko te tuakiri o te tangata te kaupapa e kōrerohia ana.

Anei ngā pātai hei wānanga mā tātou:

- 1) He aha ngā here o te whakapapa?
- 2) He aha tā David whakautu ki te pātai - Me pēhea e whakatau ai i tō iwi matua mehemea he puna maha koe?
- 3) He aha ngā kāwai whakapapa o te tangata i uiuitia?

Kia whakarongo ake tātou ki ngā urupounamu me ngā urupare o Te Tēpu.

He Whakamārama

Mā te horopaki e tohu mēnā ka whakamahia te pūriro 'a', te pūriro 'o' rānei i roto i te kōrero. He wā ka taka te rirohanga, te mea rānei ki te 'a' me te 'o' - engari he rerekē te tikanga o ia whakamahinga.

Tirohia ēnei tauira:

- a) Whakarongo ki te tangi **a** te pēpi. (ko te pēpi te kaimahi)
 - e) Whakarongo ki te tangi **o** te pere. (ehara te pere i te kaimahi, nā te tangata i patu te pere e puta ai tōna oro)
-
- i) Koinā ngā kōrero **a** Pētera. (ko Pētera te kaikōrero)
 - o) Koinā ngā kōrero **o** te nūpepa. (ehara te nūpepa i te kaikōrero, ko ngā kōrero tētehi wāhanga o te nūpepa)

He Mahi ĩ-papa

Whakatauirahia ngā taha e rua o te kupu kei runga i te ĩpapa. Te taha A me te O.



Hei Mahi

Whakamāoritia ēnei rerenga kōrero e whai ake nei:

1. I'm going to buy one of Adidas' new jackets for my son.
2. How about one of Jennian's homes for our house?
3. I'm an old boy of St Peter's College.
4. I'm a grandchild of Manukau and Te Reo.
5. Ford's new car has been released.

Whakautu:

- Mahi ĩpapa: 1) He rawe te waiata a Mere. 2) He rawe ngā waiata o te kura.
1. Ka hoko au i tētahi o ngā koti hou a Adidas mō taku tama.
 2. Ka pēhea tētahi o ngā whare a Jennian hei whare mō tātou?
 3. He ākongā o mua ahau nō te kura o Hato Pētera.
 4. He mokopuna ahau nā Manukau rāua ko Te Reo.
 5. Kua whakarewaina te waka hou a Ford.